

آبونه اولق ایستیلردا اثره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدلور

نسخه سی ۴۰ پاره در

تجارت

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولور. محتویاتی امور عدلیه به متعلقدر

تجربیات

وظائف مأموریتلری حسن ایفاده مشاهد
اولان مساعی ممدوحه لرینه مبنی عدلیه نظارت جلیله سی
حواله مدیری سعادتلو فائز بکه ترفیعاً اولی صنف
ثانی
در سعادت تجارت محکمه سی اعضا ملازم لردن
عزتلو صبری بکه ترفیعاً متمایز
دیاربکر و معموره العزیز و لایتلری عدلیه مفتش لردن
عزتلو قایل افندی به ترفیعاً ثانیه
امور جزائی قلمی باش میزی رفعتلو حازم بکه
ثالثه رتبه لری توجیه بیورلشددر .

نشان

وظیفه مأموریتلی حسن ایفاده مشاهد اولان
مساعی ممدوحه سنه مبنی عدلیه نظارت جلیله سی امور
حقوقیه قلمی میزی رفعتلو رفعت بکه دردنجی رتبه دن
عثمانی نشان عالیسی احسان بیورلشددر .

تجارت و تجویز

(سیروز سنجاغی بدایت محکمه سی اعضا لفته)
سیروز بدایت محکمه سی مستطقی رشدی افندی
سلانیک تجارت محکمه سی ضبط کتابتندن مستعفی
تربا عاکف بک
آیدین ولایتی استیناف مدعی عمومیلکی کاتبی
دیقران افندی
انقره ولایتی مرکز بدایت محکمه سی مقاولات
محرر اسبقی کرکور کال افندی
(درامه سنجاغی بدایت محکمه سی اعضا لفته)
اعضا ملازم لردن مصلح الدین افندی
سلانیک بدایت محکمه سی اعضا ملازم لردن
حسنی افندی

مستخدمین عدلیه دن خایخانی افندی

پوغون مقاولات محرر سابق ایوستول افندی

(قره فریه قضاسی بدایت محکمه سی اعضا لفته)

سلانیک استیناف محکمه سی ضبط کتبه سندن
رشدی افندی

قترین قضاسی بدایت محکمه سی ایکنجی کاتبی
موئیز افندی

(وودینه قضاسی بدایت محکمه سی اعضا لفته)

عدلیه مفتش لری کتابتنده بولان عمر لطفی
بک

ایزور ناحیه سی کاتبی میخالاکی ساقی افندی

(کوکلی قضاسی بدایت محکمه سی اعضا لفته)

سلانیک بدایت محکمه سی اعضای سابقه سندن
احمد افندی

ایش قضاسی بدایت محکمه سی برنجی کاتب سابق
آرتین شناسی افندی

(استروجه قضاسی بدایت محکمه سی اعضا لفته)

عورتحصاری بدایت محکمه سی مستنطق معاونی
مصطفی افندی

سلانیک بدایت محکمه سی اعضای سابقه سندن
آرستیدی افندی

(عورتحصاری قضاسی بدایت محکمه سی اعضا لفته)

یکجه واردار بدایت محکمه سی اعضا سندن
بک

یورکی قره کیدی افندی

(طویران قضاسی بدایت محکمه سی اعضا لفته)

حانیه بدایت محکمه سی ضبط کاتب سابق شریف
افندی

مستخدمین عدلیه دن یوان افندی

(لنقطه قضاسی بدایت محکمه سی اعضا لفته)

سلانیک استیناف محکمه سی ضبط کتبه سندن
جمال بک

ارضروم تجارت محکمه سی ضبط کتابتندن مستعفی
آزازی افندی

(یکجه واردار قضاسی بدایت محکمه سی اعضا لفته)

سلانیک بدایت محکمه سی ضبط کتبه سندن
مصطفی بک

مستخدمین عدلیه دن قسطاکی افندی

(قترین قضاسی بدایت محکمه سی اعضا لفته)

حانیه بدایت محکمه سی ضبط کاتب سابق ابراهیم
فوزی افندی

مستخدمین عدلیه دن میلیادی افندی تعیین
اولنش و بوراده بولانلرک ذات شوکتسمات حضرت
خلافتناهییه و دولت علیه لرینه صادقانه حسن ایفای
خدمت ایده جک لرینه و خلاف ناموس و صداقت و مغایر
عدالت احوال و حرکاتی ده ارتکاب ایلیمه جک لرینه
دائر امر تحلیف لری اجرا قلندینی کبی دیگر لرینک ده
اولوجهله لزوم تحلیف لری محملرینه تبلیغ و انبا و نکوش
و کسندیره قضالری بدایت محکمه لرینک آجیق بولان
اعضا لقرینه دخی مناسبلری دردست تعیین بولنشددر .

تبلیغات

تجارت قانوننامه سنک یوز طقسان سکرنجی
ماده سی موجبجه افلاس و قوعنده الاجق ولورک افلاس
اعلانی تاریخندن اعتباراً دفاتر و تمسک لری تجارت
محکمه سنه تسلیم ایتیمکه مجبور بولند قاری جهته سندات
تسلیم ایتماش اولان اصحاب مطلوبک غزنه لر واسطه
سیله واقع اوله جق اخباردن یعنی تحقیق دیون اعلانی
تاریخندن اعتباراً یکرمی کون ظرفنده افلاس ماصه سنه
دفاتر و سندات یه تسلیم ایتد کلری صورتده مدت
مروندن صکره و قوعبوله جق مراجعت لری اوزرینه
ایدیله جک معامله ایله تقصیر اتلی مفلسک تقصیراتنک
اصحاب مطلوبک اکثریتی جانبدن عفوی قونقورداتویه
درج ایدلیدی و حقوق عمومیه مدعیسی طرفندن دخی
اقامه دعوی اولنمدینی صورتده اتخاذ اوله جق
معامله نک تعیینی حقنده میخالیج قضاسی بدایت
محکمه سی ریاستندن وارد اولان تحریرات انجمن عدلیه
لدی الحواله تحقیق دیون اعلانی اوزرینه دخی دفاتر

وسنداتی افلاس ماصه‌سنه تسلیم ایجاب مطلوبك
سائر اصحاب مطلوب ايله مفلس بیتندہ تنظیم اولنان
قوت‌وردانو احکامنه تابع اولماری طبعی اولدینی کبی
مفلس حقندہ تقصیرات دعواسی ایدیه‌یله جک اولان
اصحاب مطلوبك اکثریتی جانبیدن تقصیراتی عفو
ایدلیدی مدعی عمومی طرفندن دخی اولیاده حقوق
عمومیه دعواسی اقامه اولدینی حالدہ هیچ بر معامله به
لزوم و محل اولوب معاملات افلاسیه‌نک اکالنه دوام
ایدلک لازم کله‌جکی ومع ذلك مدعی عمومیلرک افلاس
دعوالرندہ تدقیقات مکملہ اجرا و مسامحه وقوعه میدان
ویرلماسنه اعتنا ایلاری مقتضی بولدینی افاده اولمش
واولوجهل ریاست مذکوریه تبلیغ کیفیت ایدلک اوزره
عدلیه نظارت جلیله‌سندن خداوندکار ولایتی استیناف
محکمه‌سی مدعی عمومیلکنه اشعار قلمشدر .

محاکمات قضائیه

در سادات استیناف مدعی عمومیلکنده :

مصره فرار ایدیکی ادعاسیله مظنون اولان
باب سرعسکری محاسبات دائره‌سی کتبه‌سندن
توفیقک استحصال مأذونیت ایتمکسزین موقع
مأموریتی ترک ایدرک مصره فرار ایدیکی و قرار
عالی موجبجه اجرای تبلیغات اولدینی حالدہ
مدت معینہ‌سی ظرفندہ عودت و اوامر حکومت
سنیه به اطاعت ایتماش اولدینی قومیسسیون
مخصوصندن تنظیم اولنان مضبطه ايله اوراق
تحقیقه مندرجاتندن اکلاشلش اولمغه اصول
محاکمات جزایه قانونک مواد مخصوصه‌سی
احکامنه توفیقاً در سادات جنایت محکمه‌سندہ
محاکمه‌سی اجرا قلمق اوزره عسکری جزا
قانوننامه‌سنک یوز اوتوز ایکنجی ماده‌سی
موجبجه جنایتله اتهامه قرار ویرلدیکندن
متمم مرقومک هر زده کوریلور ایسه
طولیوب محکمه مذکورہ توقیفخانه‌سنه تسلیمی
لازم کله‌جکی بالجله ضابطه عدلیه مأمورلرینک
معلومی اولق اوزره اشبواخذ و کرفت مذکورہ
سی در سادات هیئت اتهامیه‌سندن بالتنظیم
اعطا قلندی .

ردینہ قرار ویرلسی بولسز ومغایر قانون اولدیفندن
بخله اعلام مذکورک نقضی ومدعی علیه خلیل بکک
لایحه‌سندہ مندرج نتیجه جوابی دخی اعتراضات
مسروده‌نک واهی اولدینی بیانیله ردی وموافق اصول
وقانون اولان اعلامک تصدیق طلبندن وآتف الیان
مطالعه نامه مالی ایسه جریان دعویاه نظراً مدعی
عمومینک مداخله‌سنه لزوم اولمیه‌جفندن بوباده
مطالعه سردینہ محل اولدینی بیاندن عبارتدر .
ایجابی مذاکره اولندقدہ اعلام مذکورمانلندن
منفهم اولدینی اوزره محکمه مذکورہ جه شرائط
استینافیه‌نک نقصانیتندن طولانی استیناف استدعاسنک
ردینہ قرار ویرلش و قرار واقع موافق قانون بولمش
ایسه‌ده مستأنف اعلام ابتدائی کندیوسی خرجی
ویردرک آلمش اولمغه مدت استیناف جریان ایتیه‌جکندن
نقصان مذکورک اکالیله تجدید استدعایه صلاحیتی اولدیفنه
قرار ویرلک لازم کلورایکن مدت استینافیه‌نک مرور
ایتمش اولدیفنه استناداً استیناف استدعاسنک ردینہ قرار
ویردرک تجدید استدعایه محل براقلامسی بولسز
ومغایر قانون اولدیفنه ومستدعینک اعتراضی دخی
بوجهته متدائر اوله‌رق شایان قبول بولدیفنه بناء
اصول محاکمه حقوقیه قانونک ایکویز اوتوز ایکنجی
ماده‌سی موجبجه اعلام مذکورک قضیله قانون
مذکورک ایکویز قرق بشنجی ماده‌سی حکمنه توفیقاً
بروجه مشروح ایفای معامله ایدلک اوزره قسم
مذکورہ اعاده‌سنه واولجه من بورصبری افندی طرفندن
اعطا قلنان یوز الی بش غروشله بوکره ایفا ایدیلان
ایکیوز قرق سکر بقی غروشکه جمعا درت یوز اوج
بقی غروش مصارف تمیزینک ایلورده حقسز جیقه
جق طرفه رجوع ایتسنه ۲۱ تشرین اول سنه ۳۱۸
تاریخندہ متفقاً قرار ویرلدی .

اصول محاکمات جزایه قانونک ۳۴۷ نجی
ماده‌سی حکمنه ونظارت جلیله عدلیه‌نک ۲۷
نومرولی امر تحریری قانونیسنه توفیقاً نقضی
حاوی محکمه تمیز جزا دائره‌سندن اعطا قلنان
۳۱ کانون ثانی سنه ۳۱۷ تاریخی اعلامدر :

باش مدعی عمومیلک مأموریت بهیه‌سندن مع
اوراق متفرعه محکمه تمیز جزا دائره‌سنه کوندربلان
۱۲ تموز سنه ۳۱۷ تاریخی و بیک طقوز یوز سکر
نومرولی تبلیغنامه قرائت اولندی .

مذکور تبلیغنامه‌ده کویری قضاسنه مربوط
چلتک قریه‌سی سکنه‌سندن آتلی اوغلی علینک مضروباً
وقاتندن طولانی مظنون علیه اولان طومانیجی اوغلی

محمدک منع محاکمه‌سنه دائر قضای مذکور مستطلقلکندن
ویریلان ۲۷ ایلول سنه ۳۱۶ تاریخی قرارنامه ايله
اوراق متفرعه‌سی سیواس ولایتی استیناف محکمه‌سی
مدعی عمومیلک ۱۴ کانون اول سنه ۳۱۶ تاریخی
تحریراتیله ورود ایتمکله لدی التدقیق متوفانک حال
حیاتندہ کندیوسی محمدک ضرب ایدلیدی سوبلدیکندہ
یانلرنده بشقه کولیلر بولدینی برادری حسینک
افاده‌سندن مستنبط ایکن بوکولیلر کیملر اولدینی
مرقومدن استیضاح ايله معلوماتلرینہ مراجعت وضبط
ورقه‌سندہ افاده‌لری حکایه اولنان سنان افندی ايله
عثمان ومختار محمدک جلبلاری صورتیه تعمیق کیفیت
ایندامش اولسنه ومتوفای مرقومک خسته لکنه اثر
ضرب انضمام ایدرک وفاتسنه سببت ویرمش اولدینی
۳۰ تموز سنه ۳۱۶ تاریخی معاینه راپوریه متحقق
ایکن بر منوال محرر قضائی تدقیقات سببیه دعوی
واقعہ‌نک منع محاکمه قراریه نتیجه لنوب خصوصیه
خلاف صلاحیت اوله‌رق مدار حکم احوال تحری
ایدلش بولسنه منی اصول محاکمات جزایه قانونک
اوجیوز قرق یدنجی ماده‌سنه وعدلیه نظارت جلیله
سنک ۲ جزیران سنه ۳۱۷ تاریخی ویکرمی بدی
نومرولی امر تحریریسنه توفیقاً قرارنامه مذکورک
نقضی لزومی اخبار اولمشدر .

تدقیقات تمیزیه اجرا اولندقدہ نظارت جلیله‌نک
امر تحریریسنه عطفاً تبلیغنامه‌سنه بیان اولدینی اوزره
مذکور مستنطق قرار نامه‌سی قضائی تحقیقاته مبتنی
کوردیکندن بر منوال محرر در میان ایدیلان اعتراض
مستلزم نقض اسبابدن اولمغه اصول محاکمات جزایه
قانونک اوجیوز قرق یدنجی ماده‌سنه توفیقاً قرار
نامه مذکورک قضضه وایکی یوز غروش تمیز اعلامی
خرجنک محصلنه ۳۱ کانون ثانی سنه ۳۱۷ تاریخندہ
قرار ویرلدی .

قره حصارک باوردی قریه‌سی اهایلسندن چاقیر
حسن اوغلی صائلش وترکن اوغلی خلیلک لیلأ
آخور قبولرینک کلیدینی قهره‌رق مانده‌لرینی سرقت
ایتملندن دولای جنایتله اتهام اولنان قراللی قریه‌ی
اتمه‌جه اوغلی ابراهیم وچالق اوغلی خلیل وچلیب
بن عبداللہک اوچر سنه مدتلرله کورک قونلرینہ
دائر قره‌حصار سنجائی بدایت محکمه‌سی جزا دائره
سندن ویریلان ۱۱۳ نومرولی اعلام محکمه تمیز جزا
دائرہ‌سنجه تصدیق اولمشدر .

لغظه قضاسنک قواق قریه‌سی اهایلسندن صالح
بن دورمش صوبیرمق ایچون اشقبایه قلاغوزلق
ایدرک اچسنک الخمسنه سببت ویرمسندن دولای

جنایتله اتهام اولنان قریه مذکورلی محمود بن بکرک
اوج سنه مدتلہ کورک کونلسنه دائر سلائیک ولایتی
استیناف محکمه‌سی جزا دائره سندن ویریلان ۲۳۰
نومرولی اعلام محکمه تمیز جزا دائره‌سنجه تصدیق
اولمشدر .

طوخانده کائن سلخخانه‌نک دیواری دلہرک
یدی رأس قیون سرت ایدلیدی ادعا قلمسندن
دولای جنایتله اتهام اولنان غلطده قفسجی زقاغندہ
مقیم طلومہ‌جی باولی ولد انساطشک اوج سنه مدتلہ
کورک کونلسنه دائر در سادات جنایت محکمه‌سندن
اعطا قلنان ۱۲۸ نومرولی اعلام محکمه تمیز جزا
دائرہ‌سنجه تصدیق اولمشدر .

نارلی قبودہ ومعونہ درونندہ معونہ‌جی احمدی
ضرب وجرح ایدرک ذکرہ بالالقا ائتلاف ایدلیدی
ادعاسیله متم بولنان معونہ‌جی محمد حقندہ اجرا قلنان
محاکمه نتیجه سندہ مرقومک سبب مجهول اوزرینہ
فعل قله من غیر تعمد جرأت ایدلیدی شاهدلرک
شهادتندن متحصل قرائش ومعاينہ راپوری مندرجاتی
وکنندوسنک متباین افاداتیله ثابت اولدیفندن اولوجهلہ
مجریتمہ وقانون جزانک یوزتمش دردنجی ماده‌سنک
فقرہ اولاسنہ توفیقاً اون بش سنه مدتلہ کورک
قونلسنه ۹ نیشان سنه ۳۱۹ تاریخندہ محکمه جنایتجه
قرار ویرلشددر .

ات یزده بازیدجدید محله‌سندہ اقامت ایتدکاری
خانه‌ده همشیره‌سی امینہ خاتمی جرح وقتل ایتدیدی
ادعاسیله متم بولنان بوشده کز رطاقدن عبادہ حقندہ
اجرا قلنان محاکمه نتیجه سندہ مرقومک من غیر تعمد
من بورہ‌جی جرح وقتل ایتدیدی شاهدلرک شهاداتی
وتحقیقات سائرہ ايله متممک مابن افاداتندن حاصل
اولان قریه قاطعه ايله ثابت اولدیفندن مرقومک
بالہور قائل اولق اوزره مجریتمہ وقانون جزانک
یوز تمش دردنجی ماده‌سی موجبجه اون بش سنه
مدتلہ کورک کونلسنه ۹ نیشان سنه ۳۱۹ تاریخندہ
محکمه جنایتجه قرار ویرلشددر .

علینک اچسنی سرقت ایدن عبداللہک اوج آی
حبسنه وختام مدنندہ ضابطه‌جه کفالتہ ربطہ
اقیموسک یلان برہ بین ایدلیدی ثابت اولدیفندن
آتلی آی حبسنه

حسین بن ویسک اونجی پترو ولد اسپرونک
جاملرینی قیردینی ضبط ورقمسی مندرجاتیلہ ثابت
اولدیفندن بش کون حبسنه واون بشلکندہ جزای

نقدی آلمسنه در سادات بدایت محکمه‌سی جزا
دائرہ‌سنجه قرار ویرلشددر .

محاکمات جزائیه

مجلون قضای بدایت محکمه‌سی اعضاسندن اولوب
مستنطق وظیفه‌سنی ایفا ایدن مفاخ ومدعی عمومی
معاونی وکیلی بولیس ادم افندیلرک ورده نام شخصک
قاجیرلسندن طولانی مظنون اولان محمدک خلاف قانون
تخلیه‌سنه جرأت ایتمش اولد قلمی سوریه ولایتی استیناف
محکمه‌سی مدعی عمومیلکندن کوندربلان اوراق
تحقیقه مؤداسندن اکلاشله‌رق مومی الہیانک محاکمه
آلتنه آلملرینہ مأذونیت بالا عطا مذکور مدعی عمومیلک
تبلیغات لازمه اجرا قلمشدر .

اعلانات

در سادات استیناف مدعی عمومیلکنده :

دوندرمجی صفری ضرب ايله قاطع‌سنک قیرلسنه
سببت ویردکاری ادعاسیله متم بولنان اوزون بویلی
قرال بیق سیاه صاج وقاشلی بیوک آغزلی کوچک
آتلی بغدادی کزلی و اوتوز باشندہ بولنوب موسم
شتادہ بک اوغلی بیکشیرندہ اقامتہ یازین بیوک آطہ‌ده
آندوناکنک غازینوسندہ غارصونلق ایدن لیموس اوغلی
وانکل ولد دیمتری واوزونجه بویلی قره کوز وقاش
وصاچلی دوز آتلی سیاه انجه بیق بیوک آغزلی
مطروش چکلہ بغدادی کزلی بکری باشلرنده شارکوبلی
اولوب مذکور غازینودہ غارصونلق ایدن دیمتری ولد
طناش وینہ مذکور غازینودہ غارصون اولوب اشکالی
غیر مضبوط بولنان مرقوم وانکلک برادری دنیلان نیقولی
حقلرنده اصول محاکمات جزایه قانونک اوجیوز تمش
برنجی ماده‌سی موجبجه معامله مقتضیه ایفا وعاکمه غیا
بیہ‌سی بالا اجرا نتیجه سندہ مرقومک قانون جزانک
یوز تمش یدنجی ماده‌سنه توفیقاً اوچرسنه مدتلہ کورک
قونلرینہ و اوتوز برنجی ماده قانونیه موجبجه حقوق
مدنیہ دن اسقاط قلملرینہ ومقدمه اعلان ایدیلان قرارنامه
وجهلہ ماللرینک اداره ایتدرلسنه محکمه جنایتندن
حکم اولمش و اصول محاکمات جزایه قانونک اوج
یوز تمش یدنجی و اوجیوز تمش سکرنجی ماده‌لرله
مواد سائرہ‌سی احکامنه توفیق معامله اولنسی مرجعہ
بیلدرلش اولدیفندن مذکور اوجیوز تمش سکرنجی
ماده‌نک جلہ احکامندن بولدینی اوزره اعلان کیتمہ
ایتدار قلندی .

ایکنجی تجارت محکمہ سندھ :

چارشوی کیرده بودروم خانجی جوارنده ساکن
ایکن ایکنجی محکمہ تجارتدن افلاسنه حکم اولنش
اولان دلندجی اسماعیل حق افندینک خصوصات
افلاسینک رؤیت وتسویه سی ضمتنده اصالة
سندیک تعین قلنمش اولدیغندن مفلس مرقوم ذمتده
اله جنی اولنلرک قانوننامہ تجارتک ۱۹۹ و ۲۰۰ نجی
ماده لری موجبجه تحقیق دیون ایچون تاریخ اعلاندن
اعتباراً یکرمی بر کون ظرفده سنداتی محکمہ کاتبه
تسلیم ایلملری ومدت مذکوره ختامندنصکره اوچ
کونده یعنی بیک اوچیز اون طقوز سنه سی مایسنک
اوچنجی جمعه ایرتسی وبشنجی بازار ایرتسی والتنجی
صالی کونلرنده ایکنجی محکمہ تجارتک افلاس
اوطه سنه کلهرک سندیک افندی مواجهه سنده
اله جقلرینی اثبات وقید وتصدیق ایتدیرملری ومدت
مذکوره ده اثبات وجود ایده میان اله جقلولر حقنده
قانون مذکورک ۲۱۰ نجی ماده سنه توفیقاً معاملہ
اولنه جنی اعلان اولنور .

قاضی کوینده اسکله جاده سنده کائن دکانده
ساکن ایکن ایکنجی محکمہ تجارتدن افلاسنه حکم
اولنش اولان سروپه پاپازینک خصوصات افلاسینک
رؤیت وتسویه سی ضمتنده دعوی وکیللرندن عونی
افندی اصالة سندیک تعین قلنمش اولدیغندن مفلس
مرقوم ذمتده آلاجنی اولانلرک قانوننامہ تجارتک
یوز طقسان طقوز وایکیوزنجی ماده لری موجبجه
تحقیق دیون ایچون تاریخ اعلاندن اعتباراً یکرمی بر
کون ظرفده سنداتی محکمہ کاتبه تسلیم ایلملری
ومدت مذکوره ختامندن صکره اوچ کونده یعنی
بیک اوچیز اون طقوز سنه سی مایسنک اوچنجی
جمعه ایرتسی وبشنجی بازار ایرتسی والتنجی صالی
کونلرنده ایکنجی محکمہ تجارتک افلاس اوطه سنه
کلهرک سندیک افندی مواجهه سنده اله جقلرینی اثبات
وقید وتصدیق ایتدیرملری ومدت مذکوره ده اثبات
وجود ایده میان اله جقلولر حقنده قانون مذکورک
۲۱۰ نجی ماده سنه توفیقاً معاملہ اولنه جنی اعلان
اولنور .

محکمہ تجارت اجرا دائره سندھ :

صلامون آزاریانک اعیان اوغلی یوان ذمتده
محکوم به اولان آلاجنک تسویه سیچون مدیون
مرقومک متصرف اولدینی بشکطاشده قبودان ابراهیم
اغا محله سنده کوپری باشی زقاغنده مکرر بر نومرو
ایله مرقم شهری ایکی بچق لیرا ایجاره متحمل بر

باب قوندیره جی دکانی بوندن اقدام موقع مزایده به
قونیه رقی عثمانلی لیراسی یوز غروش حسابیه اون
بش بیک غروشده طالبی عهده سنده قلنش وتاریخ
اعلاندن اعتباراً اوتوز بر کونه یعنی کلهرک مایس
رومینک اون یدنجی جمعه ایرتسی کونی ساعت اونہ
قدر یوزده بش ضم قبول اولنسی و ذکر اولنان یوم
وساعتده صوک مزایده سی بالاجرا قرار قطعیمی
ویریلهرک طالبی عهده سنه کچورلمسی مقرر بولنش
اولدیغندن و آندن صکره هر نه ضم وقوعبولور ایسه
قبول اولنیه جغندن مذکور دکانه یوزده بش ضمیله
طالب اولنلرک ودها زیاده معلومات آلق استیانلرک
بدل مزایده نک عشرینه مساوی پی آچیه سیله برابر
مدت مرقومه ظرفده محکمہ تجارت اجرا دائره سنه
مراجعت ایلملری ویوم ووقت مزبورده مذکور دکان
پیشکاهنده مأموری مواجهه سنده حاضر بولملری
دائرة مذکورده دن اعلان اولنور .

اعلانات نظامیه اجرا دائره سندھ :

عدد	عدد
۱ صاری منغال	۱ جفت لامبه
۱ چالار ساعت	۱ دیکیش ماکنه سی
۴ یوگ یناق	۱ نحاس کیر قزغان
۴ یورغان	۱ کیر لکن
۲ یاصدیق	۱ » تجره
۲ حالی	۱ تپسی

انا بنت یانینک بااعلام اغیا کفیلی اراکل اغا
ذمتده محکوم به آله جنی اولان مبالغک تأمین استیفاسی
ضمتنده کفیل مرقومک مالی اولوب محجوز بولنان
بروجه بالا اون ایکی قلم اشیا تاریخ اعلاندن اوچ کون
صکره یعنی ماه جاری رومینک اون التنجی چهارشنبه
کونی چارشوی کیرده یول کچن خاننده بلمزایده
فروخت اولنه جنی درسعادت اعلانات نظامیه اجرا
دائرة سندن اعلان اولنور .

طومه افندینک بااعلام نظامی خدیجه وفاطمه
خاتمر ذمتده محکوم به آله جنی اولان مبالغک تأمین
استیفاسی ضمتنده مومی الیه مانک شایعاً عهده لرنده
بولنان سکبان باشی یعقوب آغا محله سنده لاله لی جاده
سنده واقع اون بش و اون یدی نومرولی خانلر
تحتنده کائن اونبر ، اون اوچ ، اون طقوز ، یکرمی بر
ویکرمی اوچ نومرولرله مرقم بش باب دکانک اون ایکی
حصه اعتباریه مومی الیه مانک بر حصه لری مجموعی
علی الاصول اجرا قلنان مزایده اوزرینه لیرای عثمانی
یوز غروش حسابیه اوچیک یوز وایزید محله سنده

بایزید میداننده واقع یوز نومرولی بر باب دکانک
یوز یکرمی سهم اعتباریه یالکتر فاطمه خانمه عائد اولان
اوتوز ایکی سهم حصه ایکی بیک یوز غروشده
طالبی عهده سنده تقرر ایدرک موقه قرار داده سی
کشیده قلنمش اولدیغندن یوزده بش ضم ایله زیاده به
طالب اولانلرک پی آچیه سیله برابر تاریخ اعلاندن
اعتباراً اوتوز بر کون ظرفده درسعادت اعلانات نظامیه
اجرا دائره سنه مراجعت ایلملری اعلان اولنور .

بک اوغلی بدایت محکمہ سی اجرا دائره سندھ :

خزینہ خاصه شاهانه نظارت علیهنک قره بت
افندی ذمتده ایکی قطعه اعلام موجبجه الاجنی
اولان معلوم المقدار مبالغک تأمین استیفاسی ضمتنده
مدیون مومی الیه ک متصرف اولوب حجز اولنش
اولان اسکدارده طاغ حمامنده کرجخانه زقاغنده
معلوم الحدود تخمیناً یوز التمش بش ارشون عرصه
اوزرینه مبنی بری درت اوطه ومطبخ وقیوی ویدیگری
بش اوطه ومطبخ وقیوی وایکیوز اوتوز بش
ارشون مقداری باغچینی مشتمل اوتوز اوچ نومرولی
خانلرک ربع حصه شایعه سیله درسعادت چارشوی
کیرده اوروجیلر جاده سنده چقور خانک اوست
قائنده اون نومرولی اوطه نک تمامک و خان مذکورک
الت قائنده اون واون ایکی واون التی نومرولی
اوطه لرده کی ثلث حصه شایعه سنک تاریخ اعلاندن
اعتباراً اون بش کون صکره بلمزایده فروخت
اولنه جنی بک اوغلی بدایت محکمہ سی اجرا مأموری
جانبندن اعلان اولنور .

کسریه قضاسی بدایت محکمہ سی اجرا دائره سندھ :

کوریمجلی واسیلایک افندینک بوغاققو قریه لی
قرینه واغنی استطرابطه ذمتلرنده محکوم به الاجنی
اولان مبالغ معلوم نک تأمین استیفاسی ضمتنده
محجوز بولنان مذکور بوغاققو قریه سنده معلوم
الحدود بر باب خانه نک نصفی وکذا قریه مذکوره سنورنده
عین حدود ایله محدود درت قطعیه باغلرک تمامی
مزایده وضع اولنوب درت بیک غروش بدل ایله
طالبی اوزرنده تقرر ایدرک موقت قرار داده سی کشیده
قلنمش اولدیغندن یوزده بش ضمیله زیاده به طالب
اولنلرک تاریخ اعلاندن اوتوز بر کونه قدر کسریه
قضاسی بدایت محکمہ سی اجرا دائره سنه مراجعت ایلملری
لزومی اعلان اولنور .